

Na osnovu člana 2.12 stav 7. Izbornog zakona Bosne i Hercegovine («Službeni glasnik Bosne i Hercegovine», broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 1/06, 24/06 i 32/07), te člana 30. i 38. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinsko vijeće na svojoj XXXIII redovnoj sjednici, održanoj dana, 29.11.2007. godine, usvojilo je

O D L U K U
o visini naknade za rad članova Općinske izborne komisije i službenika Centra za birački spisak u 2008. godini

Član 1.

Ovom Odlukom utvrđuje se visina naknade za rad članova Općinske izborne komisije i službenika Centra za birački spisak u 2008. godini.

Član 2.

Mjesečna naknada u neto iznosu utvrđena u članu 1. ove Odluke, iznosi

- 450,00 KM za predsjednika Komisije,
- 400,00 KM za članove Komisije,
- 150,00 KM za službenike Centra

Član 3.

Naknadu iz člana 2. ove Odluke isplaćivat će računovodstvena služba Općinske uprave i to do 10-tog u mjesecu za protekli mjesec.

Član 4.

U slučaju izvršenih službenih putovanja članova Komisije i službenika Centra za birački spisak, a za potrebe izbornog procesa, isti će ostvarivati pravo na putne troškove (dnevnice i ostali troškovi) po propisima koji se primjenjuju na službenike Općinske uprave.

Član 5.

Ova Odluka će se primjenjivati od 01. januara do 31. decembra 2008. godine.

Član 6.

Ova Odluka stupa na snagu danom objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-264/07
Velika Kladuša, 29.11.2007.godine

Na osnovu člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06 i 5/07), člana 30. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06) Općinsko vijeće na XXXIII sjednici, održanoj 29.11.2007. godine, donijelo je

O D L U K U
o usvajanju Kriterija za utvrđivanje prioriteta za dodjelu sredstava iz granta za poljoprivredu

Član 1.

Usvajaju se Kriteriji za utvrđivanje prioriteta za dodjelu sredstava za projekte koji će se podržati iz granta sredstava općinskog budžeta namijenjenih za podršku projektima u poljoprivredi.

Član 2.

Kriteriji čine sastavni dio ove Odluke.

Član 3.

Ova Odluka stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-265/07
Velika Kladuša, 29.11.2007.godine

**KRITERIJI ZA UTVRĐIVANJE PRIORITETA
PROJEKATA**

MATRICA BODOVANJA PROJEKATA

Kriterij	Težina kriterija	Smjernice za ocjenjivanje	Bodovi (2x3)
1	2	3	4
Projekat treba da postiče lokalni poljoprivredno - ekonomski razvoj	5	5-značajno dugoročno 4-značajno srednjoročno 3-značajno kratkoročno 2-djelomično 0-ne potiče	
Projekat treba da je u interesu što većeg broja poljoprivrednika	5	5-više od 10 3-od 5-10 2-od 1-5 1- individualni efekt	
Projekat treba da je u funkciji zaštite zdravlja ljudi i životne sredine	5	5-značajno + utječe na okoliš 4-djelomično + utječe na okoliš 3-mali + utjecaj 1-nema + utjecaj 0-negativan utjecaj povećava zagađenje	
Projekat treba da je u funkciji iskorištavanja prirodnih resursa Općine		5-potpuno 3-djelomično 1-nije u funkciji	
Projekat treba da ima funkciju održivosti	4	5- u potpunosti održiv 3- treba početnu pomoć 1- treba pomoć 1-3 god 0- treba stalnu potporu	
Projekat ima finansijsko učešće Općine	4	5 - do 20 % 4 - do 30 % 3 - do 40 % 2 - do 50 %	

Projekat ima finansijsko učešće poljoprivrednika, udruženja, zadruge	4	1 - preko 50% 5 - preko 50 % 4 - do 50 % 3 - do 40 % 2 - do 30 % 1 - do 20%	
Projekat ima funkciju razvoja manje razvijenih dijelova Općine	3	5-slabo razvijena 4-djelomično razvijena 3-srednje razvijena 1-razvijena	
Projekat ima funkciju zadržavanja ljudi na postojećim mjestima boravka	3	5-značajno zadržava 3-djelomično 1-individualno	
Uklapanje projekta u dugoročni strateški plan razvoja Općine	5	5-potpuno 3-djelomično 0-odstupa	
Projektna dokumentacija, dozvole, imovinski o pravni odnosi	3	3- rješeno 1- rješeno 0- nije riješeno djelomično	
Dugoročna korist zajednice	3	5-zajednica ima dugoročnu korist 3- zajednica ima periodičnu korist 1-zajednica ima kratkoročnu korist	
Ekonomska moć podnosioca projekta	3	5-slaba 3-srednja 1-jaka	
		UKUPNO BODOVA	

Na osnovu člana 40. Etičkog kodeksa općinskih vijećnika Općine Velika Kladuša („Službeni glasnik Općine Velika Kladuša“, broj: 7/07) i člana 5. Odluke o osnivanju Etičkog odbora („Službeni glasnik Općine Velika Kladuša“, broj: 5/07), Etički odbor Općinskog vijeća Općine Velika Kladuša na sjednici, održanoj 14.11.2007. godine, donio je

P O S L O V N I K O RADU ETIČKOG ODBORA OPĆINSKOG VIJEĆA OPĆINE VELIKA KLADUŠA

I – OPĆE ODREDBE

Član 1.

Ovim Poslovnikom uređuje se način i organizacija rada Etičkog odbora Općinskog vijeća Općine Velika Kladuša, postupak sazivanja sjednica Odbora, nadležnost i postupak pred Odborom, način utvrđivanja odgovornosti za učinjene povrede Etičkog kodeksa, način izricanja i izvršenja mjera, evidentiranje i brisanje mjera, te prelazne i završne odredbe, kao i druga pitanja od značaja za rad Odbora.

Član 2.

Etički odbor Općinskog vijeća Općine Velika Kladuša je stalno radno tijelo Vijeća koje utvrđuje odgovornost i predlaže izricanje mjera vijećnicima

Općinskog vijeća Općine Velika Kladuša zbog povreda Etičkog kodeksa općinskih vijećnika Općine Velika Kladuša.

Sjedište Etičkog odbora je u zgradi Općine Velika Kladuša, Ulica Hamdije Pozderca, broj 3.

Etički odbor u svom radu koristi pečat Općinskog vijeća Općine Velika Kladuša.

II – NADLEŽNOST

Član 3.

Nadležnosti Etičkog odbora (u daljem tekstu : Odbor) su praćenje primjene i provođenja odredbi Etičkog kodeksa i ponašanja općinskih vijećnika, razmatranje prijave građana za sve oblike kršenja odredbi Kodeksa, provođenje rasprave po zaprimljenim prijavama i predlaganje izricanja sankcija za učinjene povrede odredbi Kodeksa, obavještanje Općinskog vijeća o preduzetim radnjama i podnošenje izvještaja o svom radu sa prijedlogom mjera, kao i drugi poslovi koji proizilaze iz odredaba Kodeksa.

Član 4.

U vršenju svoje funkcije Odbor je nezavisan i svoju nadležnost obavlja u skladu sa Zakonom, Statutom, Poslovnikom o radu Općinskog vijeća, Etičkim kodeksom općinskih vijećnika i ovim Poslovnikom.

U postupku pred Odborom primjenjuju se odredbe Zakona o upravnom postupku i drugih propisa.

Odbor radi u sjednicama koje su javne.

Sjednice odbora saziva i njima predsjedava predsjednik Odbora, a u odsutnosti predsjednika sjednice Odbora saziva i njima predsjedava sekretar Odbora.

Član 5.

Odbor donosi odluke javno većinom glasova od ukupnog broja članova Odbora.

Član 6.

Zbog povrede načela Etičkog kodeksa općinskih vijećnika Općine Velika Kladuša Odbor utvrđuje odgovornost i predlaže slijedeće mjere:

1. Opomena i
2. Javna opomena, uz objavljivanje izvještaja Odbora i odluke Općinskog vijeća.

III – ORGANIZACIJA ODBORA

Član 7.

Etički odbor broji pet članova.

Predsjednik i dva člana Etičkog odbora biraju se iz reda općinskih vijećnika, dok se ostala dva člana Odbora, po jedan, biraju iz reda predstavnika mjesnih zajednica i civilnog društva.

Predsjednika i članove Odbora bira i imenuje Vijeće na prijedlog Komisije za izbor i imenovanja Općinskog vijeća Općine Velika Kladuša.

Član 8.

Mandat članova Odbora traje četiri godine i to za period trajanja mandata saziva Općinskog vijeća, a članovi Odbora nakon isteka mandata mogu ponovo biti birani.

Mandat prvih članova Odbora traje do kraja mandata aktuelnog saziva Općinskog vijeća.

Član 9.

Prije stupanja na dužnost članovi Odbora daju svečanu izjavu pred Predsjednikom Općinskog vijeća, koja glasi:

«Izjavljujem da ću u svom radu pridržavati se Ustava, Zakona, podzakonskih akata, morala društva i da ću povjerenu funkciju vršiti savjesno i nepristrasno».

Član 10.

Odbor ima sekretara.

Sekretara Odbora bira i imenuje Odbor iz reda članova Etičkog odbora.

U slučaju odsutnosti predsjednika Odbora, sekretar Odbora organizira rad Odbora sa svim pravima i dužnostima koja pripadaju predsjedniku Odbora.

IV – POSTUPAK PRED ODBOROM

Član 11.

Postupak pred Odborom se pokreće pismenom prijavom, ili po sopstvenoj inicijativi Odbora.

Anonimne prijave se ne razmatraju.

Prijava se podnosi u roku od mjesec dana od dana saznanja za učinjenu povredu Etičkog kodeksa i za počionioaca, a najkasnije u roku od dva mjeseca od kada je povreda učinjena.

Član 12.

Uz prijavu treba priložiti dokumentaciju kojom se dokazuju navodi prijave (audio/video zapisi i slično).

Ukoliko je prijava nerazumljiva ili ne sadrži sve dokaze koji su potrebni da bi se po njoj moglo postupiti, Odbor će pozvati podnosioca da prijavu dopuni, odnosno ispravi u ostavljenom roku.

Ako podnositelj prijave ne postupi po pozivu Odbora, ista će biti odbačena.

Član 13.

Odbor će po kompletiranoj prijavi provesti raspravu u roku od 30 dana po njenom kompletiranju.

Vijećnik na kojega se prijava odnosi bit će odmah obaviješten o prijavi sa rokom od 15 dana da odgovori u pisanoj formi ili da obezbijedi informacije i dokumenta koja smatra relevantnim za raspravu pred Odborom.

Odbor će dati priliku vijećniku na kojega se prijava odnosi da se sastane sa članovima Odbora i objasni situaciju koja je uzrokovala navodno kršenje Kodeksa.

Podnositelj prijave će biti pozvan da odgovori na pitanja članova Odbora.

Eventualni svjedoci mogu također biti pozvani na razgovor sa članovima Odbora, ako je to u interesu provođenja rasprave o prijavi.

O svim navedenim aktivnostima Odbora vodi se zapisnik.

Zapisnik mora voditi sekretar Odbora, odnosno službeno lice Općinskog organa uprave i obavezno sadrži: naziv aktivnosti, vrijeme i mjesto provođenja aktivnosti Odbora, imena prisutnih i odsutnih članova Odbora,

imena drugih lica koja prisustvuju aktivnosti Odbora za koju se vodi zapisnik, imena lica koja su učestvovala u raspravi, kratak sadržaj rasprave i donešene zaključke i utvrđene prijedloge o pitanjima o kojima je rasprava vođena, te potpis predsjednika Odbora i lica koje je vodilo zapisnik.

U roku od 60 dana nakon što je prijava primljena rasprava mora biti zaključena.

Pisani izvještaj sa činjenicama i rezultatima rasprave Odbora mora biti dostavljen svim vijećnicima u Općinskom vijeću i vijećniku na kojega se prijava odnosi. Ako je Odbor zaključio da je prekršen Kodeks, izvještaj će sadržavati i prijedlog mjera.

Član 14.

Ukoliko sa sjednice Odbora izostanu stranke koje su uredno pozvane, Odbor će odlučiti da li će održati sjednicu ili će održavanje sjednice odložiti.

Član 15.

Prije zaključivanja sjednice predsjednik Odbora daje riječ strankama koje su pozvane.

Član 16.

Odbor donosi odluku o tome da li je prijavljeni vijećnik odgovoran za djela koja mu se stavljaju na teret i predlaže Vijeću izricanje odgovarajuće mjere iz člana 6. ovoga Poslovnika ili konstatuje da se isti oslobađa odgovornosti.

Član 17.

Predsjedavajući Općinskog vijeća se stara i odgovoran je za stavljanje na dnevni red izvještaja i prijedloga Odbora u skladu sa odredbama Poslovnika Općinskog vijeća i Etičkog kodeksa općinskih vijećnika Općine Velika Kladuša.

Razmatrajući izvještaj sa prijedlogom mjera Odbora, Općinsko vijeće odlučuje o vrsti i izricanju mjere, osim ako samo Vijeće ne priloži dokaze kako u konkretnom slučaju nije bilo povreda odredbi Kodeksa.

Odluku o izricanju mjere Općinsko vijeće donosi većinom glasova od ukupnog broja vijećnika.

Član 18.

Protiv odluke o izricanju mjere općinski vijećnik kome je izrečena mjera može izjaviti žalbu u roku od 15 dana od dana prijema odluke.

O žalbi protiv odluke odlučuje Općinsko vijeće.

U postupku pred Odborom ne plaća se administrativna taksa.

V - IZVRŠENJE MJERA

Član 19.

Mjera opomene se izvršava dostavljanjem pravosnažne odluke općinskom vijećniku kojem je izrečena mjera i strankama u postupku.

Mjera javne opomene se dostavlja vijećnicima i javno objavljuje na sjednici Općinskog vijeća, oglasnoj tabli Općine Velika Kladuša, u lokalnim sredstvima javnog informisanja i u „Službenom glasniku Općine Velika Kladuša“.

Izrečena mjera se ne može izvršiti nakon protoka jedne godine od njenog izricanja.

VI – EVIDENTIRANJE I BRISANJE MJERA**Član 20.**

Pravosnažne odluke o izrečenim mjerama se upisuju u Registar mjera koji vodi Stručna služba Općinskog vijeća.

Mjera opomene se briše iz Registra mjera po proteku roka od šest mjeseci.

Mjera javne opomene se briše nakon proteka jedne godine od dana objavljivanja na sjednici Općinskog vijeća, odnosno na oglasnoj tabli Općine Velika Kladuša, u lokalnim sredstvima javnog informisanja i u „Službenom glasniku Općine Velika Kladuša“

O brisanju mjere Odluku donosi Etički odbor.

Odluka o brisanju mjere se upisuje u Registar mjera.

VII – PRELAZNE I ZAVRŠNE ODREDBE**Član 21.**

Postupak za izmjene i dopune ovog Poslovnika vrši se po postupku i na način kao i za njegovo donošenje.

Član 22.

Ovaj Poslovnik stupa na snagu danom usvajanja a primjenjivat će se nakon što na isti saglasnost da Općinsko vijeće Općine Velika Kladuša, i objaviće se u „Službenom glasniku Općine Velika Kladuša“.

Bosna i Hercegovina
Federacija Bosne i Hercegovine
Unsko-sanski kanton
OPĆINA VELIKA KLADUŠA
OPĆINSKO VIJEĆE
- Etički odbor -

PREDSJEDNIK ODBORA
Fikret Bašić, s.r.

Broj: 01-05-248/07
Velika Kladuša, 14.11.2007. godine

Na ovaj Poslovnik, u skladu sa članom 40. Etičkog kodeksa općinskih vijećnika Općine Velika Kladuša („Službeni glasnik Općine Velika Kladuša“, broj: 7/07), Općinsko vijeće Općine Velika Kladuša je dalo saglasnost Zaključkom broj:01-05-267/07, od 29.11.2007. godine.

Bosna i Hercegovina
Federacija Bosne i Hercegovine
Unsko-sanski kanton
OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-266/07
Velika Kladuša, 29.11.2007. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), člana 91. stav 1. i člana 99. stav 1. tačka 2. Poslovnika Općinskog vijeća Općine Velika Kladuša – prečišćeni tekst («Službeni glasnik Općine Velika Kladuša», broj: 9/05), a saglasno članu 40. Etičkog kodeksa Općinskih vijećnika Općine Velika Kladuša Općine Velika Kladuša («Službeni glasnik Općine Velika Kladuša», broj: 7/07),

Općinsko vijeće Općine Velika Kladuša, na XXXIII sjednici, održanoj 29.11.2007. godine, donijelo je

ZAKLJUČAK**I**

DAJE SE SAGLASNOST na Poslovnik Etičkog odbora Općinskog vijeća Općine Velika Kladuša, kojega je donio Etički odbor Općinskog vijeća Općine Velika Kladuša, pod brojem: 01-05-248/07, od 14.11.2007. godine.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-267/07
Velika Kladuša, 29.11.2007.godine

Na osnovu člana 30. i 88. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06) i člana 91, 99, 111, 112. i 113. Poslovnika Općinskog vijeća Općine Velika Kladuša – prečišćeni tekst («Službeni glasnik Općine Velika Kladuša», broj: 9/05), a nakon provedene rasprave o Nacrtu Odluke o budžetu Općine Velika Kladuša za 2008. godinu, Općinsko vijeće Općine Velika Kladuša, na XXXIII sjednici, održanoj 29.11.2007. godine, donijelo je

ZAKLJUČAK**I**

1. PRIHVATA SE Nacrt Odluke o budžetu Općine Velika Kladuša za 2008. godinu i u skladu sa Poslovníkom Općinskog vijeća Općine Velika Kladuša, radi prikupljanja mišljenja i prijedloga za izradu Prijedloga Odluke o budžetu Općine Velika Kladuša za 2008. godinu, STAVLJA SE na javnu raspravu.

2. Prihvaćeni Nacrt Odluke o budžetu Općine Velika Kladuša za 2008. godinu, poslužit će kao osnova za provođenje javne rasprave, a ista će trajati od dana stavljanja Nacrta Odluke na javnu raspravu do 15.12.2007. godine.

3. Zadužuje se Služba finansija i računovodstva, Općinskog organa uprave Općine Velika Kladuša da Nacrt Odluke o budžetu Općine Velika Kladuša za 2008. godinu, dostavi svim korisnicima budžeta, zainteresovanim organima i institucijama kao i drugim pravnim licima koja za to imaju interes radi davanja mišljenja i prijedloga i da u skladu sa predloženim planom organizira i provede javnu raspravu u svim mjesnim zajednicama i gradu Velika Kladuša, te da nakon provedene javne rasprave o Nacrtu uzevši u obzir sve prijedloge prikupljene u toku javne rasprave, sačini Prijedlog Odluke o budžetu Općine Velika Kladuša za 2008. godinu i isti sa odgovarajućim Izveštajem o provedenoj javnoj raspravi uputi Vijeću na razmatranje i usvajanje.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-268/07
Velika Kladuša, 29.11.2007.godine

Na osnovu člana 30. i 88. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06) i člana 91, 99, 111, 112. i 113. Poslovnika Općinskog vijeća Općine Velika Kladuša – prečišćeni tekst («Službeni glasnik Općine Velika Kladuša», broj: 9/05), a nakon provedene rasprave o Nacrtu Odluke o izvršenju budžeta Općine Velika Kladuša za 2008. godinu, Općinsko vijeće Općine Velika Kladuša, na XXXIII sjednici, održanoj 29.11.2007. godine, donijelo je

ZAKLJUČAK**I**

1. **PRIHVATA SE** Nacrt Odluke o izvršenju budžeta Općine Velika Kladuša za 2008. godinu i u skladu sa Poslovníkom Općinskog vijeća Općine Velika Kladuša, radi prikupljanja mišljenja i prijedloga za izradu Prijedloga Odluke o izvršenju budžeta Općine Velika Kladuša za 2008. godinu, **STAVLJA SE** na javnu raspravu.

2. Prihvaćeni Nacrt Odluke o izvršenju budžeta Općine Velika Kladuša za 2008. godinu, poslužiti će kao osnova za provođenje javne rasprave, a ista će trajati od dana stavljanja Nacrta Odluke na javnu raspravu do 15.12.2007. godine.

3. Zadužuje se Služba finansija i računovodstva, Općinskog organa uprave Općine Velika Kladuša da Nacrt Odluke o izvršenju budžeta Općine Velika Kladuša za 2008. godinu, dostavi svim korisnicima budžeta, zainteresovanim organima i institucijama kao i drugim pravnim licima koja za to imaju interes radi davanja mišljenja i prijedloga i da u skladu sa predloženim planom organizira i provede javnu raspravu u svim mjesnim zajednicama i gradu Velika Kladuša, te da nakon provedene javne rasprave o Nacrtu uzevši u obzir sve prijedloge prikupljene u toku javne rasprave, sačini Prijedlog Odluke o izvršenju budžeta Općine Velika Kladuša za 2008. godinu i isti sa odgovarajućim Izvještajem o provedenoj javnoj raspravi uputi Vijeću na razmatranje i usvajanje.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-269/07
Velika Kladuša, 29.11.2007.godine

Na osnovu člana 30. i 88. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06) i člana 91. i 99. Poslovnika Općinskog vijeća Općine Velika Kladuša – prečišćeni tekst («Službeni glasnik Općine Velika Kladuša», broj: 9/05), razmatrajući Informaciju o stepenu osposobljenosti Općine Velika Kladuša za uvođenje trezorskog poslovanja, Službe finansija i računovodstva Općinskog organa uprave Općine Velika Kladuša, Općinsko vijeće Općine Velika Kladuša, na XXXIII sjednici održanoj 29.11.2007. godine, donijelo je

ZAKLJUČAK**I**

PRIHVATA SE Informacija o stepenu osposobljenosti Općine Velika Kladuša za uvođenje trezorskog poslovanja, Službe finansija i računovodstva Općinskog organa uprave Općine Velika Kladuša, bez primjedbi.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-270/07
Velika Kladuša, 29.11.2007.godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), člana 91. stav 1. i člana 99. stav 1. tačka 2. Poslovnika Općinskog vijeća Općine Velika Kladuša – prečišćeni tekst («Službeni glasnik Općine Velika Kladuša», broj: 9/05), Općinsko vijeće Općine Velika Kladuša, na XXXIII sjednici, održanoj 29.11.2007. godine, donijelo je

ZAKLJUČAK**I**

DAJE SE SAGLASNOST na Program rada sa finansijskim planom Općinske izborne komisije za 2008. godinu, koji je donijela Općinska izborna komisija Općine Velika Kladuša na svojoj sjednici održanoj 15.11.2007. godine.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-271/07
Velika Kladuša, 29.11.2007.godine

Na osnovu člana 34. Zakona o budžetima Federacije Bosne i Hercegovine (Službene novine F BiH», broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06), a u skladu sa članom 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinski načelnik donio je

ZAKLJUČAK

I

Odobravaju se sredstva iz budžetske rezerve za 2007. godinu u iznosu od 500,00 KM (Slovima: = petstotina KM i 00/100), kao učešće Općine Velika Kladuša u participaciji troškova liječenja hemodijalize i sufinansiranja troškova školarine III godine Hemiske škole u Bihaću na ime Šehzade Kajtezović iz Gornje Vidovske 75 Općine Velika Kladuša, a isplata će se izvršiti gotovinski iz blagajne Organa uprave Općine Velika Kladuša.

II

Ovaj Zaključak stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-14-2454-1/07.
Velika Kladuša, 09.11.2007. godine

Na osnovu člana 34. Zakona o budžetima Federacije Bosne i Hercegovine (Službene novine F BiH», broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06), a u skladu sa članom 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinski načelnik donio je

ZAKLJUČAK

I

Odobravaju se sredstva iz budžetske rezerve za 2007. godinu u iznosu od 2000,00 KM (Slovima: = dvijehiljade KM i 00/100), kao učešće Općine Velika Kladuša u participaciji troškova za odbranu doktorske disertacije mr.sc.gosp. Huseina Muratovića iz Varoške Rijeke 498 A, Općina Bužim.

II

Ovaj Zaključak stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-02-2456/07.
Velika Kladuša, 09.11.2007. godine

Na osnovu člana 34. Zakona o budžetima Federacije Bosne i Hercegovine (Službene novine F BiH», broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06), a u skladu sa članom 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinski načelnik donio je

ZAKLJUČAK

I

Odobravaju se sredstva iz budžetske rezerve za 2007. godinu u iznosu od 200,00 KM (Slovima: = dvijestotine KM i 00/100), kao učešće Općine Velika Kladuša u participaciji troškova za kupovinu krupne stoke – krave Hadžić Rasimu iz Velike Kladuše. Isplata će se izvršiti gotovinski preko blagajne Organa uprave Općine Velika Kladuša.

II

Ovaj Zaključak stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-02-2474/07.
Velika Kladuša, 12.11.2007. godine

Na osnovu člana 34. Zakona o budžetima Federacije Bosne i Hercegovine (Službene novine F BiH», broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06), a u skladu sa članom 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinski načelnik donio je

ZAKLJUČAK

I

Odobravaju se sredstva iz budžetske rezerve za 2007. godinu u iznosu od 900,00 KM (Slovima: = devetstotina KM i 00/100), kao učešće Općine Velika Kladuša u nabavci i plaćanju knjiga učenicima generacije po Rn: 000442 preko isporučioaca «Library» d.o.o. iz Velike Kladuše.

II

Ovaj Zaključak stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-14-854-1/07.
Velika Kladuša, 20.11.2007. godine

Na osnovu člana 34. Zakona o budžetima Federacije Bosne i Hercegovine (Službene novine F BiH», broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06), a u skladu sa članom 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinski načelnik donio je

ZAKLJUČAK

I

Odobravaju se sredstva iz budžetske rezerve za 2007. godinu u iznosu od 1000,00 KM (Slovima: = hiljadu KM i 00/100), kao učešće Općine Velika Kladuša u sufinansiranju troškova za operaciju srca 6-to mjesecne djevojčice Edine, kćerke Bešić Fikreta iz Velike Kladuše – ul. Hasana Kikića broj 9 uz obavezu dostavljanja tekućeg računa banke na koji će se prenijeti odobrena sredstva.

II

Ovaj Zaključak stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-02-2536/07.
Velika Kladuša, 22.11.2007. godine

Na osnovu člana 34. Zakona o budžetima Federacije Bosne i Hercegovine (Službene novine F BiH», broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 10/06), a u skladu sa članom 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05 i 7/06), Općinski načelnik donio je

ZAKLJUČAK

I

Odobravaju se sredstva iz budžetske rezerve za 2007. godinu u iznosu od 480,00 KM (Slovima: = četiristotine osamdeset KM i 00/100), kao učešće Općine Velika Kladuša u sufinansiranju troškova organizacije turnira u sjedećoj odbojci na ime Kluba «Panda» iz Velike Kladuše, koja će se sredstva isplatiti preko blagajne Organa uprave Općine Velika Kladuša.

II

Ovaj Zaključak stupa na snagu danom donošenja, a objavit će se u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-14-878/07.
Velika Kladuša, 30.11.2007. godine